


2016-imi nukimmik atuineq

2016-imi nukissiuutinit atuineq 0,8 pct.-imik apparpoq. Silap nillinginnerunera taamaasillunilu kissamik atuinikinneruneq, nukissiuutinit atuinikinnermut pissutaavoq. Aningaasanilli atuinerup annertusinera pissutaalluni nukimmik atuisoqarnerusimavoq. 2016-imi silap pissusaa tunngavigalugu iluarsineq 4,2 pct.-imik qaffappoq.

2016-imi nukinnik atuineq 8.556 TJ-iulluni 2015-imi atunermut sanillugu 0,8 pct.-imik apparsinneruvoq, 2015-imi 8.626 TJ-imik atuisoqarsimavoq. Nukimmik atuinikinnerusimaneq 2016-imi silap kissarnerusimaneranik pissuteqarpoq. Piujuaannartumit nukimmik atuineq 5,6 pct.-imik apparsimavoq. Uulianik imerpalasinit atuineq 0,3 pct.-imik qaffassimavoq. Gasuulia, uulianit atorpeqarnerpaajusoq, 2,1 pct.-imik atorpeqanginnerusimavoq, akerlianik motorbenziina petruuliulu atorpeqarnerusimapput.

Nukissiuutinit atukkat saniatigut silap pissusaa tunngavigalugu nukissiuutinit atukkanik iluarsineq Naatsorsueqqissaartarfimmit saqqummiunneqarput. Silap pissusaa nalinginnaasumit allaanerusimagaangat silap pissusaa nalinginnaasoq tunngavigalugu nukissiuutinit atukkanik iluarsisoqartarpoq. Taamaasilluni ineriartornermi allannguutit ersersinneqartarlutik. 2016-imi silap pissusaa tunngavigalugu nukissiuutinit atuineq 8.640 TJ-iusimavoq, 2015-imut sanilliullugu 4,2 pct.-inik annertunerulluni.

Nukissiuutinit atukkat aamma silap pissusaa tunngavigalugu nukissiuutinit atukkanik iluarsisat



2016-imi Kalaallit Nunaanni nukissiuutiliorneq 1.537 TJ-iusimavoq, 5,1 pct.-imik annikillisimalluni. Nukissiuutiliorneq annerpaaq erngup nukinga atorlugu aamma eqqakkanit pisarpoq. Kalaallit Nunaanni nammineq pilersorneq 17,4 pct.-imut apparsimavoq ukioq sioqqullugu 18,3 pct.-iusimasoq. 2016-imi kissamik pilersuinissap annikinnerusimanera nukissiuutiliornerup aamma nammineq pilersornerup annikillineranut pissutaavoq 2015-imi sila nillernerungaatsiarsimagami.

2016-imi Nukissiorfiit sarfaliugaata 81,8 pct.-ia erngup nukinga atorlugu pilersinneqarpoq. Nukissiorfiit 1.765 TJ sarfaq pilersissimavaa.

2016-imi drivhusgassinik silaannarsuarmi mingutsitsineq 0,2 pct.-imik qaffassimavoq CO₂-mut sanilliussinermi 525.148 ton-iusimalluni. Silap pissusaa tunngavigalugu nukissiuutinit atukkanit iluarsineq tunngavigalugu silaannarsuarmik mingutsitsineq 5,0 pct.-imik qaffassimavoq. 1990 mingutsitsineq 14,0 pct.-imik annikillisimavoq.

2016-imi assartuinnermut angallassinermullu nukissiuutinit atuineq 1.632 TJ-iulluni 3,7 pct.-imik qaffassimavoq. Pilersuinermi nukissiuutinit atuineq 2.449 TJ-iulluni 9,6 pct.-imik qaffassimavoq, tassani annermik aalisakkerinermi nukissiuutinit atuineq annertusisimavoq. Niuernermi kiffartuussinermilu nukissiuutinit 1.593 TJ-iulluni 1,1 pct.-imik atuinikinneruffiusimavoq angerlarsimaffiit 2.142 TJ-mik atuisimallutik 4,0 pct.-imik atuinikinnerusimasut.

Saqqummersitaq ”**2016-imi nukimmik atuineq**” pdf-fiilitut Kalaallit Nunaanni Naatsorsueqqissaartarfiup nittartagaatigut www.stat.gl iserfigalugu aaneqarsinnaavoq.

Annertunersusumik paasisaqarnerorusuttut Naatsorsueqqissaartarfiup ittuanut Anders Blaabjerg-imut oqarasuaat (toqaannartog) 34 57 81-imut sianerlutik saaffiginnissinnaapput.

Ilisamaatinut nassuiaatit
... Paasisutissat pigineqanngillat
.. Paasisutissat tatiginanngitsut ilisarinnilersitsinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffigineqarsinnaasoq
Anders Blaabjerg
E-mail: ABIA@stat.gl

Tusagassiutitut nalunaarut

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl

